



"Ubuduće ne činite tako! Ako neko bude klanjao kod kuće, zatim zatekne imama koji još klanja, neka klanja i s njim, to će mu biti nafila."

Prenosi se od Džabira b. Jezida b. el-Esveda, a on od svoga oca, da je kao dječak (mladić) klanjao s Allahovim Poslanikom, sallallahu alejhi ve sellem. Kada je Allahov Poslanik, sallallahu alejhi ve sellem, završio namaz, u uglu džamije je ugledao dva čovjeka kako stoje. "Dovedite mi onu dvojicu." - reče. Doveli su u ih, a oni su drhtali od straha. "Zašto niste klanjali s nama?" - upita ih. "Već smo bili klanjali u našoj kući." - odgovoriše, a on reče: "Ubuduće ne činite tako! Ako neko bude klanjao kod kuće, zatim zatekne imama koji još klanja, neka klanja i s njim, to će mu biti nafila."

[Vjerodostojan] [Hadis bilježi Tirmizi - Hadis bilježi Nesai - Hadis bilježi Ebu Davud - Hadis bilježi imam Ahmed - Hadis bilježi Darimij]

Jezid b. El-Esved prenosi da je klanjao sa Allahovim Poslanikom, sallallahu 'alejhi ve sellem, dok je još bio mladić. Kada je Vjerovjesnik, sallallahu 'alejhi ve sellem, završio namaz, ugledao je dva čovjeka koja nisu klanjali u strani džamije. Poslanik, sallallahu 'alejhi ve sellem, naredio je ashabima da ih dovedu. Kada su došli, drhtali su od straha, pa im je Poslanik, sallallahu 'alejhi ve sellem, kazao: "Zašto niste klanjali sa nama?" Odgovorili su: "Klanjali smo kod kuće." On tada reče: "Nemojte tako činiti opet. Ukoliko neko klanja kod svoje kuće, a zatim prispije da klanja i sa imamom, neka se priključi, jer će mu to donijeti samo dodatni sevap i nagradu. Prvi namaz računaće se kao obavezni, dok će drugi kao dobrovoljni."

<https://sunnah.global/hadeeth-bs/show/11289>